

ქ. თბილისი
წ.

01 თებერვალი, 2012

ერთის მხრივ, ზუგდიდის ა.წერეთლის სახ. N1 საჯარო სკოლა (შემდგომში „შემსყიდველი“), წარმოდგენილი მისი დირექტორის მ/შ თამაზ თორდიას სახით და მეორეს მხრივ, სსიპ მასწავლებელთა პროფესიული განვითარების ეროვნული ცენტრი (შემდგომში „მიმწოდებელი“), წარმოდგენილი მისი დირექტორის გია მამულაშვილის სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1. ხელშეკრულების საგანია წინამდებარე ხელშეკრულების პირობებისა და „სახელმწიფო შესყიდვების შესახებ“ საქართველოს კანონის შესაბამისად, შემსყიდველის მიერ უურნალ „მასწავლებელი“-ს (შემდგომში „საქონელი“) 2012 წლის გამოცემის შესყიდვა 2 ეგზემპლარად.

2. მხარეთა მოვალეობები

- 2.1. შემსყიდველი ვალდებულია:
- გადაიხადოს ხელშეკრულებით განსაზღვრული საქონლის ღირებულება წინამდებარე ხელშეკრულებით გათვალისწინებული პირობებით;
 - მიიღოს მიწოდებული საქონელი;
 - შეამოწმოს მიმწოდებლის მიერ მიწოდებული საქონლის შესაბამისობა ამ ხელშეკრულებით შეთანხმებულ საქონელთან.
- 2.2. „შემსყიდველს“ უფლება აქვს:
- უკან დაუბრუნოს „მიმწოდებელს“ მიწოდებული საქონელი, თუ მისი ხარისხი არ შეესაბამება სტანდარტებს.
- 2.3. „მიმწოდებელი“ ვალდებულია:
- გადასცეს „შემსყიდველს“ ხელშეკრულებით გათვალისწინებული საქონელი;
 - თუკი საქონელი არ აღმოჩნდება უნაკლო, შემსყიდველის მოთხოვნისთანავე, გამოასწოროს ნაკლი საკუთარი ხარჯით;
 - დაიცვას ხელშეკრულებით გათვალისწინებული ყველა პირობა;

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს 24 (ოცდაოთხი) ლარს.
- 3.2. ერთეულის ღირებულებაა: 2 (ორი) ლარი; 1 ნომრის წლიური ღირებულება - 12 (თორმეტი) ლარი.
- 3.3. ხელშეკრულების ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ გადასახადებს.

4. ანგარიშსწორებისა წესი

- 4.1 შემსყიდველი იღებს ვალდებულებას აუნაზღაუროს მიმწოდებელს საქონლის ღირებულება ხელშეკრულების გაფორმებიდან 3 დღის ვადაში.
- 4.2 ანგარიშსწორების ვალუტა - ლარი.
- 4.3 გადახდის ფორმა: უნაღდო.
- 4.4 გადაცემის თარიღად ითვლება მიღება-ჩაბარების აქტზე ხელმოწერის თარიღი.

5. შესყიდვის ობიექტის მიწოდების პირობები და ადგილი

- 5.1. საქონლის მიწოდება განხორციელდება ეტაპობრივად, შემსყიდველის მოთხოვნის შესაბამისად, 2012 წლის 31 დეკემბრამდე რესურს ცენტრების მეშვეობით.

6. ხელშეკრულების მოქმედების ვადები

- 6.1. წინამდებარე ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2012 წლის 31 დეკემბრის ჩათვლით.

7. ხელშეკრულების ინსპექტირება

- 7.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.
7.2. ამ მუხლის პირველი პუნქტით გათვალისწინებულ კონტროლსა და ზედამხედველობას განახორციელებს შემსყიდველის უფლებამოსილი პირი.

8. შესყიდვის საგნის მიღება-ჩაბარების წესი

- 8.1. შესყიდვის საგანი ჩაითვლება მიღებულად მას შემდეგ, რაც შემსყიდველის ან რესურს ცენტრის მიერ უფლებამოსილი პირები ხელმოწერით დაადასტურებენ მის მიღებას.

9. ხელშეკრულების შეწყვეტა

- 9.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორებაც შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.
9.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ, თუ:
9.2.1. ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია საქონლის სრულად ან ნაწილობრივ მიწოდება;
9.2.2. მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;
9.2.3. შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
9.2.4. საქართველოს კანონმდებლობით გათვალისწინებულ სხვა შემთხვევებში.
9.3. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

10. მხარეთა პასუხისმგებლობა

- 10.1. ხელშეკრულებით გათვალისწინებული ვალდებულებების შეუსრულებლობის ან არაჯეროვანი შესრულებისათვის მიმწოდებელს დაეკისრება პირგასამტეხლოს გადახდა საქონლის ღირებულების ოდენობით.
10.2. ხელშეკრულებით გათვალისწინებული ვალდებულების შესრულების ვადის დარღვევის შემთხვევაში მიმწოდებელს ეკისრება საქონლის ღირებულების 0,1 %-ის გადახდა ყოველ გადაგადაცილებულ დღეზე.

- 10.3. შემსყიდველს ყოველთვის აქვს უფლება მოითხოვოს სახელშეკრულებო ვალდებულების შეუსრულებლობით, არაჯეროვანი შესრულებით ან ვადის გადაცილებით გამოწვეული ზიანის ანაზღაურება.
- 10.4. ხელშეკრულებით გათვალისწინებული გადახდის ვალდებულების ვადის გადაცილების შემთხვევაში შემსყიდველს ეკისრება საქონლის ღირებულების 0,1 %-ის გადახდა ყოველ გადაგადაცილებულ დღეზე.

11. ფორს-მაჟორი

- 11.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.
- 11.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, საქონლის მიწოდებაზე ემბარგოს დაწესება, სახელწიფო გადატრიალება და სხვ.).
- 11.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

12. ხელშეკრულების პირობების გადასინჯვის წესი

- 12.1. ხელშეკრულების პირობების, მათ შორის, ფასების გადასინჯვა შესაძლებელია მხოლოდ საქართველოს სამოქალაქო კოდექსის 398-ე მუხლით გათვალისწინებული შემთხვევებში, თუ ის გარემოებები, რომლებიც ხელშეკრულების დადების საფუძველი გახდა, ხელშეკრულების დადების შემდეგ აშკარად შეიცვალა და მხარეები არ დადებდნენ ამ ხელშეკრულებას ან დადებდნენ სხვა შინაარსით, ეს ცვლილებები რომ გაეთვალისწინებინათ.
- 12.2. ამ ხელშეკრულების 12.1. პუნქტით განსაზღვრულ შემთხვევაში შეძლება მოთხოვნილ იქნეს ხელშეკრულების მისადაგება შეცვლილი გარემოებებისადმი.
- 12.3. გარემოებათა შეცვლას უთანაბრდება, როცა წარმოდგენები, რომლებიც ხელშეკრულების საფუძველი გახდა, არასწორი აღმოჩნდა.
- 12.4. წინამდებარე ხელშეკრულების პირობების შეცვლა არ დაიშვება, თუ ეს გამოიწვევს ხელშეკრულების ფასის გაზრდას ან შემსყიდველისათვის ხელშეკრულების პირობების გაუარესებას, გარდა ამ ხელშეკრულების 12.1, 12.2. და 12.3. პუნქტებით განსაზღვრული შემთხვევებისა.

13. ხელშეკრულებაში ცვლილებებისა და დამატებების შეტანის წესი

- 13.1 ხელშეკრულებაში ცვლილებებისა და დამატებების შეტანა დასაშვებია მხოლოდ მხარეთა წერილობითი შეთანხმებით.
- 13.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ამის შესახებ წერილობით შეატყობინოს მეორე მხარეს.

13.3 ხელშეკრულების პირობების ნებისმიერი ცვლილება და დამატება უნდა გაფორმდეს ახალი ხელშეკრულების სახით მხარეების ან მათ მიერ უფლებამოსილი პირების მიერ, რომელიც ჩაითვლება ხელშეკრულების განუყოფელ ნაწილად.

14. ხელშეკრულების შესრულების შეფერხება

- 14.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებას, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.
- 14.2 იმ შემთხვევაში თუ, ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

15. დავების გადაჭრის წესი

- 15.1 ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

16. დასკვნითი დებულებები

- 16.1 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.
- 16.2 ხელშეკრულება შედგენილია ქართულ ენაზე სამ თანაბარი იურიდიული ძალის მქონე ეგზემპლარად, რომელთაგან ერთი გადაეცემა მიმწოდებელს, ორს იტოვებს შემსყიდველი.

შემსყიდველი:

ზუგდიდის ა.წერეთლის სახ. N1
საჯარო სკოლა
მის: აღმაშენებლის N1,
ს/კ 219985746
სს. ლიბერთი ბანკი სამკერელოს
რეგიონის ფილიალი, ბ.კ.220101464
ა/ა GE81LB0121121188628000

დირექტორი მ/შ



მიმწოდებელი:

სსიპ „მასწავლებელთა პროფესიული
განვითარების ეროვნული ცენტრი
მის: თბილისი, გმირ კურსანტთა ქ. N1
ს/კ 202374251 ბაზის ბანკი 220101956
ა/ა GE76BS0000000000134983

დირექტორი :



გ. მამულაშვილი